

天一閣藏明代方志選刊

天一閣藏明代方志選刊

新鄉縣志

一九六三年七月上海古籍
書店據寧波天一閣藏明藍
絲闌鈔本景印原書版框高
二一·七公分寬一五·七公分

正德新鄉縣志

新鄉縣志序

上海圖書館藏

歐陽公嘗言令有土與民宜志風俗

者有考焉歲之弘治甲子予受

命叨令新鄉下車以來累思考求圖志新以

要衝靡索於職務力不遑及也後巡歲月粗

知民俗土宜間閱舊志率多脫畧散漫又難為一

己之力迺屬筆分教儒學江浦李君錦遵化周君

榮爲纂輯選擇而得失較正頗出謬見之二也區

分類別事以實而欲信詞以簡而欲明以卷計六以目計

范氏
天長閣
藏書

五十五名曰新鄉縣志凡古今名物山川土地官宇賦稅
以及褒貶題咏之類靡不畢具嗚呼古之志者與史
同也以寓監戒示勸懲非徒事記載觀閱之具者也
故觀所載有土地焉則知田野之當闢也有名物焉則知
風俗之當厚也有宮室焉則知興土木之所當省有
貢賦焉則知貢畧物之所當戒志也者豈不與史同
功哉茲因繡梓將以達於郡於藩府會而爲一統
之志庶幾令之所宜爲者得効於方寸具使後之
令茲土者復有作焉得考是志以備增損又豈不爲

遠亦高之一助我爲序

正德元年歲在丙寅菊月吉日

賜進士出身文林郎知新鄉縣事潁州儲珊序
新鄉縣志目錄

圖

縣治之圖

卷之一

建置沿革

分野

郡名

形勝

風俗

疆域

城池

至列

山川

關廟

坊門

街市

鄉社

屯營

卷之二

土產

貢賦

農桑

課程

戶口

解字

學校

驛道

陰陽學

醫學

社學

鋪舍

倉

卷之三

壇遺

廟宇

陵墓

寺觀

橋渡

窪池

射圃

演武亭

鑾園

漏澤園

古蹟

景致

卷之四

名宦

人物

甲弟

科目

貢士

制貢

卷之五

武職

材幹

方技

尚義

孝節

仙釋

褒贈

卷之六

題咏

文翰

新鄉縣志卷之一

鄉貢進士新鄉縣儒學訓導李應天府江浦李錦編輯

鄉貢進士新鄉縣儒學教諭順天府遵化周榮精選

賜進士文林郎知新鄉縣事直隸鳳陽府潁州儲珊校正

建置沿革

按自封建廢而爲郡縣秦漢以來世變不一沿革

靡常我

朝混一以來分封整敕其疆域之廣狹城池之興廢

鄉社之分合損益皆不可以無志也

新鄉禹貢周職方冀州之域古鄘國之地昔周

既誅三監盡以其地封康叔爲衛侯春秋鄘

爲衛所併戰國屬衛秦滅衛屬三川郡漢爲

汲縣新中鄉武帝幸濮氏至此鄉獲南越相

呂嘉首因以鄉置獲嘉縣屬河內郡後魏隸獲
州以獲嘉縣置脩武郡并改獲嘉縣爲脩武以附
郭隋隸殷州唐武德元年析獲嘉之新中編置新
鄉尋以縣置義州四年廢州以縣隸殷州貞觀元
年廢州改屬衛州五代皆因之宋熙寧六年縣
廢以新鄉隸獲嘉元祐三年置縣隸衛州今循
其舊元屬衛輝路

國朝天兵下河北縣戶崔復禮遁去民遂歸附仍爲新鄉縣屬
衛輝府

分野

按周禮保章氏以星宿別九州凡天下封疆皆分星以望氛祲察災祥而占吉凶也按本縣當古冀河內太行之域而界乎室壁之火實取譽之分也

郡名

按古者郡名或以姓著或以地名示不忘本也新鄉郡名曰新中蓋舊爲漢汲縣新中鄉故也

形勝

按營度位處形勢爲先昔人云地靈則人傑誠非是言

也新鄉舊有形勢之志今特採著以觀勝槩

新鄉之境左衛河右孟津太行峙其北黃河流其南
原隰膾膾而四野曠如視他邑尤美

風俗

按相激而爲風相沿而爲俗風俗之轉移其幾則在於
上也新中之風俗因時變遷屢矣備書於左以見

今日之移易

衛國地濱大河其土薄故其人氣輕浮其地平下故其人
質柔弱其地肥饒不費耕耨故其人心怠惰其人情

如此則其聲音亦淫靡故聞其樂使人懈慢而有邪僻之心

也 出詩傳張子註

俗剛強多豪傑侵奪薄恩禮好生分 出山堂考索

男女亟會聚好氣任俠有獲上之風 出山堂考索

類雜乎鹵宜於篇牧 出朱史地理志

金元夷夏雜處風俗益偷

國朝混一以來百四十餘年斯民湮溺

聖化故今男耕女織士業詩書淳朴是尚而流漓盡革焉

疆域

按

聖朝奄有六合固無爾疆我界然而郡邑之間不分疆域以限民
居業何所定乎

新鄉在本府西稍南其境東接汲縣西連獲嘉南鄰陽
武北至輝縣橫五十里縱八十里

城池

按新鄉爲邑當四衝之要道不有城池抑何以捍外而備內乎
前人屢作之矣其固威設險之良圖備書之以便觀覽
云

新鄉土城周圍五里二百四十二步城高一丈八尺池闊一丈
深七尺有東曰迎恩西曰來賓南曰朝陽北曰拱辰
四門唐武德元年置縣歲久多傾圯濠亦淤塞

國朝景泰二年奉勅令知縣侯麟等重修復壞天順元年知縣
楊清重修屢爲沙水淤塞弘治九年知縣王統開築高
深迄今城既崩塌地亦淤塞知縣儲珊命衆役分工其基
則補砌以石其上則粉飾以灰倏然而成且極堅固城上
各脩巡更鋪以防不虞城外植柳千餘株以固其濠岸
高城深池規模宏遠有如此矣